

ومليح وثمره الاديان حفظ النفوس من الفجور والتعدي على الغير وحث
الانسان على السير المستقيم والمحافظة على حقوق اخيه وجاره ووطنيه . ح .
انا لا اعرف الصلاة ولا الوضوء . ن . في الدرس الثاني تعرفنا ان شاء الله تعالى

مدرسة البنات

حفصة وبنتها سلمى

ح . يا بنتي انت كبرت وبقيت عروسه حقت دلوقت تمسكي شغل
البيت ولا تخلي حد يعمل حاجه على شان نتوضي من دلوقت يا سلمى .
البت ان ما كانتشي تفتح عينها وتعلم كل حاجه تبقي زي قلتها . يا ترى يا
بنتي اذا تزوجت في بيت ولك فيه سلايف والّا اخت لجوزك والا قرايب
وكنت لوحذك لا معاك جاريه ولا خدامه اللي رايح بعمل لك حاجتك مين
سلفتك والا حماتك ولا اخت جوزك . وخايك اجوزتي في بيت ما فيه شي
حد غيرك مين يعمل لك حاجتك ان كنت فاكره في غني ابوك وخدامينه
دا يبقى عقلك بطل افتكري انت في جوزك اللي رايحه تعاشره طول العمر
بلكي يا بنتي كان فقير ولا كان غني وافنقر تعملي ازاي وقتها يا ترى تقعدوا
من غير اكل ولا من غير نوم ولا من غير لبس هدموم ولا تعملوا ازاي . س .
هوا انت قدمتي للحاجه وانا قلت لا موش نقولي لي اعمل ازاي . ح شوفي
يا سلمى يا بنتي اول حاجه تازم الست منا انها تعرف ترتيب مخزنها تحط
السمن في حته نظيفه متبطني طيب وتمسح الماعون من برا كل يوم احسن
ما يبجي عليه الوسخ وينضح على السمن وترمي عليه فوطه فوق الغطا على شان

ما يجيش عليه دبان ولا حاحه من اللي تبقى في المخازن وتحط العسل والسكر
والمربات والحلويات في دولاب نظيف وتفرش للحاحه تحتها ورق ولا بفته
نظيفه لان زينة الواحده نضافة حاجتها وتغطي عليها طيب وثقل الدولاب
احسن ما يدخل فيه دبان ولا برص ولا فار ولا صرصار ولا حاحه من اللي
تعرفها ولا تبجي تفتحي السمن ولا العسل تشيل الفوطه الفوقانيه وتفتحي بلكي يكون
عليه تراب وبعد ما تشيل غطاء تبص فيه قبله بالكي يكون وقع فيه حاحه
قبل ما تغطيه والا حيوان دخل فيه من تحت الغطاء ولا عفار نزل عليه لاجل
ما حدش يعيب عليها في حاحه وكل من دخل عليها من النسوان تبقى تبهلل
في نضافتها ونضفة حاجتها واوعي تفوتي ماعون مكشوف ابداً حتى اذا كنت
رايحه تاخدي من الماعون مرتين ولا تلاته وانت قاعده برضه تاخدي منه
وتغطيه وترجي تكشفيه وتاخدي منه وتغطيه احسن ما يقع فيه هاني ولا
حاحه طايره في الهوا وانت كاشفاه وتحطي اللي زي الرز والعدس والقمح والحبوب
في محل موش نادي احسن يبقل ويتلف منك ولو تعملي للحبوب صناديق
تخطيها فيها لان الخشب ناشف ولا يخسر شي الحاحه اللي فيه وان كان
عندك بصله ولا نومه تخطيها في محل لوحدها احسن ريمحتها تخسر لك
الحاحه الحلوه وتعفن المحل الي هيا فيه . وتفضلي ترتبي في حاحه
معاشك لما تخليها سنجه تسعين . وتروحي للمطبخ ترمي اطباقك والصيني
بتاعك في دولاب ولا في صندوق ولا على رف لكن اذا كان على رف
يكون له حرف عالي وتحط حواليه حاحه تحفظه بلكي قطه تنط على
الرف ولا ليله من دول تنزل فيها الدنيا يبقى محفوظ وتغطيه راخر بفوطه

احسن الهوا فيه امور بطاله تلزق على الاواني ولما تبني تاخدي صحن ولا
سلطانيه ما نقوليش دي نضيفه نقومي تعرفي فيها ولا تحطي فيها الحاجه
لا برضه طوقها طيب وخليها نضيفه بلكي يكون فيها عفارولا وساخه
ولا يكون مشى عليها حيوان صغير ورجله وسخه ولا لحسها بلسانه ويكون
ريقه بطل . ولما بفرغ الصحن من دول ما تناميش الا لما تغسله او عي
يا سلمى تخلي الطبخ في الصحن للصبح ولا تبتي حله مكشوفه ولا مغرفه
ولا معلقه من غير غسيل احسن يا بنتي ما فيش اعفش من المره اللي تبتي
اوعياها من غير غسيل ومين عارف الحيوان الي رايح ياكل فيها بالليل
جنسه ايه لان الأمراض كلها حيوانات واوعي تخلي نحاسك من غير بياض
كل شهر ولا بالكثير شهرين احسن النحاس يا بنتي فيه جنزازه تموت
والداهيه اذا كان فيه حاجه حامضه ولا رزفانه يخلف الجنزازه فيه . وعليكي
بغسيل الحمام وبيوت الراحه وكنس البيت طيب واوعي جوزك يشوف لك
حاجه وسخه احسن ما يزعلش الرجل الا الوساخه ياما بنات يا بنتي
حلوين وجمالهم حاجه كويسه ولا يعرفوش يعملوا حاجه بطلقوهم الرجاله ولا
يسألوش في جمالهم وياما بنات وحشين ومرتبين وتلاقي راجل الواحد منهم
رايح ياكلها اكل من كتر محبته فيها . حتى اذا كان عندكم خدامين يكتسوا
وينضفوا محل الضيوف برضك كل كام يوم تنهي عليهم بطلعوا برًا وتنزلي
تشوفي المندره ازيها ودولاب الكتب ومحل النوم وبيت الراحه واذا لقيتي
حاجه ما تعجبكيش غبريها ونضفي المحل احسن عيب البيت في وش الست
موش في وش الرجل والخدام ان ما كنش الانسان يفتش وراه ما يعمل

الحاجة الا بعنّال . وكله الا الهدوم ان كان جوزك غني قوي غير يلو الهدوم
كل يوم لان الهدوم النضيفة تخلي صحة الراجل طيبة وتخلي الجسم زي
الحاجة المرعرة وتملي حميه واغسلي لو جنته ونضفيه طيب وغيري لو الهدوم
عند النوم وافتح عيناك في خدمته وخليك زي الحصوه وتملي نفّسي
فرشك وسجاجيدك وبساطك وامسحي الحيطان بسعفه لما تخلي بيتك
يشف ويرف وان كان عندك خدامه ولا جاريه ما تركنّيش عليها وتملي
شوفي هيا بتعمل ايه وتسوي ايه وكله الا فرش النوم تملي تنضفيه وتغسلي
الملايات كل جمعه في الشتاء وكل بومين والثالث في الصيف على
شان العرق وقبل ما ينام جوزك تفتشي المراتب وحوالين السرير وتنفضي
اللحاف ولا تخلي الخدامه تعمل كده بلكي يكون حاجة طلعت السرير زي
قطه ولا ديب ولا حاجة بطّاله . ولا تحطّيش رواج في اوضة النوم زي
ورد ولا ياسمين ولا فل احسن دا بطل على النام وان كان فيها حاجة
زي دي بالنهار طلعيها برا بالليل وغيري الهوا وان كنت ترشي ريحه في
الفرش زي اللوانده والملكه يكون بالنهار وافتح الباب يغير الهوا احسن تفضل
الريحه قويه وتخسر صدركم وانتم نايمين . وتفتحي عينك لملاك ما تخليش ولا
باب الا ما تاخدي مفتاحه معك ولا تناميش قبل ما تشوفي ابواب بيتك
وترتي حاجتك وان كان عندك خدامين تلاحيطهم . وبعد ما تمشي
جوزك وضيوقه وخدامينكم تقومي على الحمام وتغسلي نفسك وتلبسي لك
بدله لطيفه وتقعدي زي العروسه تنتظري جوزك لما يجيلك . س . انت
لا قلت لي على تطبيق الهدوم ولا كويها ولا جندرتها ولا علمتيني الطبخ ولا

العجيبين ولا عمل السلطنة والحلو والفطير . ح . حطبي انت الكلمتين دول
في ودنك والجمعه الجايه عالمك كان حاجه آهو كل جمعه نتعلمي شويه لما
تبقى اوسطى في كلمه . س . ربنا يخليك يا أمي ولا يحرمني منك

المقامة الخيلية

بقلم صديقنا الفاضل . الاديب الكامل . سلالة الطيبين . وابن خاتمة
المحققين . السيد محمد افندي التميمي الداري الخليلي قل ايدو الله تعالى
حدثت ابو المحاسن قال . كان لي برذون من احسن البراذين . فاره
رزين . ركبته يوماً من الايام . الى عرس بعض الكرام . فلما نزلت عنه
ربطوه في الاسطبل . ليعمدوه عن مواضع الزمر والطبل . وكان به جملة
من الخيول . مزينة بالجلال والحجول . وبينها جواد اشهب . اصيل الام
والاب . ولكنه مجرد من السرج واللجام . واقف يشكو الآلام . فلما رآه
البرذون سلم عليه بسلام لطيف . وتصاغر له تصاغر الوضيع بين يدي
الشريف . ثم سأله عن اهل . وكيف كان الفصل . فتايل في المجال .
وتنهذ وقال . اما بلادي فنجد . واما نشأتي ففي بني سعد . عند فارس
هَمام . يدعى عويضة بن هَمام . وكان غذائي عنده الحليب والتمر . ومهنتي
لديه الكر والفر . يخوض على صهوتي غمرات الحروب . ويذهب بكري
عاديات الكروب . ويحمي بحري الجار والدار . ويدفع بسبقي الشار والعار .
ولم يزل هذا دأبه . حتى دعاه ربه . ولم يكن له وارث بعد المات . الا
بعض البنات . فبعثني لشيخ في البادية . وهو باعني لبعض اهل الرفاهية .